



GREGORIVS PP. XV.

Venerabili Fratri Episcopo Concheñ. in Hispaniarum Regnis Inquisitori generali.



*E*nerabilis frater, salutem & Apostolicam benedictionem. Orthodoxæ Religionis tutelam feliciter existimamus in amplissimis Hispaniæ Regnis cõmendatam esse fraternitati tuæ. Scimus enim, quàm vigilanter excubās in illustri ista statione, caueas, ne vlla impiorum dogmatum monstra in Ecclesiasticæ vineæ sepes irrepant. Verùm occasio tibi hoc tempore diuinitus oblata est; per quam pietatis tuæ beneficia è Regnorum istorum finibus educere, & ad exterarum nationes proferre possis. Accepimus isthuc nuper appulisse Vuallic Principem, Britanni Regis filium, spè ductum Catholici matrimonij. Cupimus eum non frustra commorari in illorum Regum ædibus, quibus illustre Catholici cognomentum Pontificiæ authoritatis defensio, & Religionis proferendæ studium peperit. Quare Apostolicis literis hortamur Catholicam Magistratam, vt eum Principem redigere suaviter conetur sub Romanæ Ecclesiæ ditionem, cui veteres Magnæ Britanniæ domini coronatum caput, & Imperij fasces Cælo plaudente submiserunt. Ad hanc autem victoriam comparandam, quæ vultis æternos Cælestis beatitudinis pollicetur triumphos atque Principatus, non Regalis ararij viscera exhaurienda, non seuentium militum legiones conscribendæ sunt, sed arma lucis è Cælo petenda, quæ diuini luminis splendore eius Principis oculos alliciant, atque ex illius animo errores omnes mansuetudine profligent. In ijs verò tractandis quæ sit vis & ars fraternitatis tuæ, iam pridem accepimus. Quare te monemus, vt ad Catholicum Regem religiosus Consiliarius accedas, easque

ratio-

rationes dispicias, quibus insigne aliquod beneficium Britan-
niæ Regnis, & Romanæ Ecclesiæ in presenti rerum opportuni-
tate comparetur. Res ipsa magna, atq; grauißima est: quare
eam verbis amplificare non debemus. Regnum Celorum Bri-
tanno Principi patefacere, Regnum Britannicæ Sedi Aposto-
licæ restituere incipiet, qui Regij istius adolescentis animum
Catholicæ Religionis studio inflāauerit, atq; hereticæ impie-
tatis odio impleuerit. In tantæ gloriæ possessionem non dubi-
tamus, ut gladio charitatis arma: a peruenire cupiat fraterni-
tastua, cum qua uerius hac de re differet uenerabilis frater
Innocentius Episcopus Brittonoriensis, Nuntius Apostolicus,
cui fidem habere poteris. Nos autem accuratissimis precibus
diuina auxilia parare conabimur fraternitati tuæ, cui Apo-
stolicam benedictionem peramanter impartimur. Datum
Romæ apud sanctum Petrum sub Annulo Piscatoris, die xix.
Aprilis, M. DC. XXIII. Pontificatus nostri anno tertio.